

開慶四明續志

四明續志卷第十一

詩餘上

金陵吳潛毅父

沁園春

丙辰十月十日



夜雨三更有人歌枕曉簷報晴筭頑雲凝霧不
難掃蕩青天白日元自分明權植油幢聊張皂
纛坐聽前騶鼓角鳴君休詫豈宣申南輪成日
東征鴻冥哽噎秘聲正萬里榆關未罷兵幸
揚州上督爲吾石友荊州元帥是我梅兄約束
鯨鯢奠安鼯鼠更使嶠夷海晏清連宵看怕天
狼隱耀太白沉槍

同前 戊午自壽

笑指頰齡循環雌甲卦數已圓歎蜀公高潔休
官去歲溫公耆舊入社今年底事崎嶇蒼顏白
髮猶擁貔貅護海堧君恩重筭何能報國未
許歸田遙憐宛甸山前正水漲溪肥繫釣船
縱葵榴花鬧菖蒲酒美都成客裏爭似家邊寄
語兒曹若爲翁壽只把鷗盟更要堅翁還祝願
櫓槍日靜擺棹雲連

同前 己未翠山勸農

二十年前君王東顧詔牧此州念昔時豪傑

猶難闢闔如今老大却更遲留平載相望平三

春又半邂逅音農得縱遊田疇事是桑條正

長麥含音初抽悠悠身世何求筭七十迎頭

合罷音休謾繞堤旌纛牽連鷓鴣喧天鼓吹斷

送龍舟翠巘層邊碧雲堆處一檐擔來天外愁

如何好且同斟綠醕自課清謳

寶鼎現和韻已未元夕

晚風微動淨掃天際雲裾霞綺將海外銀蟾推
上相映華燈輝萬砌看舞隊向梅梢燃畫丹燄
玲瓏玉藥漸墜地金蓮吐徧恰似樓臺臨水

老子歡意隨人意引紅裙釵寶鈿翠穿夜市珠
筵玳席多少吳謳聯越吹繡幕捲散繽紛香霧
籠定團圓錦里認一點星球掛也士女桃源洞
裏聞說舊日京華般百戲燈棚如履待端門
排宴三五傳宣禁侍願樂事這回重見喜慶新
開起瞻

聖主齊壽南山勢拱東南百二

畫錦堂

巳未元夕

綺縠團成珠璣擲就極目燈火樓臺七子八仙
三教耍隊相挨管簫笙簧相間闐遠如聲韻碧

霄來環千炬寶珊絳紗雲毬霧袞交加 千里
人笑樂游妓合脂塵香藹龍街盡道今宵節物
天與安排晚來風陣全收了夜闌還放月兒些
休辭醉長願每年時候一樣情懷

賀新涼

丁巳歲壽叔氏

未是全裘暮但相思昭亭數曲水村煙墅只比
兒兒額上壽尚有時光如許況坎子常交離午
須信火龍能陸戰更驅他水虎蟠滄浦崑崙頂
時飛度 東皇驀向崑崙崙崙遇道如今金階玉陛
待卿闊步猶恐荆人攀戀切未放征帆高舉怕

公去狐狸嗥舞江漢一詩誰作者想聲聲讚祝
明良聚天下久望霖雨

同前

和翁處靜
桃源洞韻

拍手闌干外想回頭人非物是不知何世萬事
情知都是夢聊復推遷夢裏也幻出雲山煙水
白白紅紅雖褪盡儘昌條浪蕊皆春意時可醉
醉扶起瀛洲舊說神仙人奈江南猿啼鶴唳
怨懷如此三五阿婆塗抹徧多少殘櫻剩杏又
過雨亭臯初霽慚愧故人相問訊但一回一見
蒼顏耳誰念我鷓鴣志

同前 再和

宇宙元無外，問當年渠緣底事強逃。人世爭似
劉郎栽種後，長恁元都觀裏。何用羨武陵溪水，
一見桃花還一笑，領春工千古無窮意。兒女恨
且收起。洞中空闊，去聲多閑地。但人間羊腸九
折，未能知此。我已衰翁君漸老，那復顛張醉空
看。翻覆雨陰風，霽睡得清和時候了。蟻扁舟只
待歸來耳。惟處靜解吾志。

同前 三和

了却兒癡外，撰園林亭臺館榭，謾當吾世紅楮。

朱橋相映帶人在百花叢裏更依約垂楊襯水
檣栢芙蓉棖桂菊也還須收拾秋冬意閑坐久
忽驚起繁華寂寞千年地便淵明桃源記在
幾人知此雙手上還銀莢印趁得東風行李看
鄮嶺鄞江澄霽從此歸歟無一欠但君恩天
大難酬耳嗟倦鳥投林志

同前

和趙丞
相見壽

雪鬢難重綠但翛然黃庭境界抱藏龜六也向
無何鄉裏去白墮舟邊漾漾筭種種塵緣都足
爭那名韁猶繫絆儘辜它猿鶴雙溪曲時又夏

暑將溽。虛舟飄瓦何煩歎。柰羊腸千歧萬折。
近來純熟。悵望老仙煙水外。惟把江雲送目想。
裴豎碧梧金竹。安得結廬相近。傍買閑田數畝。
躬耕築已夢斷大槐國。

同前

夜來夢遊一所園林臺榭甚飾數
羽流在焉余與語相酬酢有言詩
者有言詞者須更以酒見酌中有
一人舉令云各和古詞一首且目
余云相公和葉石林睡起流鶯語
余素熟此詞或謂遂援筆賣之鄰
筆而寤枕上記憶不遺一字亦異
矣以詞意詳之余三上丐歸之疏
君父其從欲乎因錄呈同官諸
丈恐可爲他時一段佳話云

燕子呢喃語小園林殘紅剩紫已無三數綠葉
青枝成步障空有蜂旋蝶舞又寶扇輕搖初暑
芳沼拳荷舒展盡便回頭亂擁宮粧女驚歲月
能多許家山占斷見鷗渚最相宜嵐煙水月
霧雲霏雨三島十洲雖鐵鑄難把歸舟繫取且
放我漁樵爲與從此細斟昌歎酒况神仙洞府
無邀阻何待結長生縷

同前

因夢中和石林賀新涼并
戲和東坡乳燕飛華屋

碧沼橫梅屋水平堤雙雉翠羽引雛偷浴倚戶

無人深院靜猶憶砧敲嫩玉還又是朱櫻初熟
手拈提爐香一炷黯消魂竚立闌干曲閑轉步
數脩竹新來有箇眉峯蹙自玉姚后魏都褪
只成愁獨鳳帶鸞釵宮樣巧爭柰腰圍倦束謾
困倚雲鬟堆綠淡月簾櫳黃昏後把燈花印約
休輕觸花燼落淚珠軟

同前

和劉自昭
俾壽之詞

寶扇驅纖暑又淒涼蒲觴菰黍異鄉重午巧索
從來無人繫惟對榴花自語也何用謳秦舞楚
生愧孟嘗攬一日歎三千客汗揮成雨如伯始

謾台傳 循環浩劫無終古但坤牛乾馬抽換
是長生譜安得戕天天便許歸煉金翁木父問
海運爭如穴處一笑流行還坎止筭陳陳往事
俱灰土南墅鶴想思主

田文月廣皆
生於五口

暗香

猶記己卯庚辰之間初識堯章于
惟揚至己丑嘉興再會自此契闊
聞堯章死西湖嘗助諸丈爲殯之
今又不知幾年矣自昭忽錄示堯
章暗香疎影二詞因信手
酬酢并賡潘德父之詩云

曉霜一色正恁時隴上征人橫笛驛使不來借
問孤芳爲誰折休說和羹未晚都付與逋仙吟

筆筭只是野店踈籬樵子共爭席 寒圍衆籟
寂想暗裏度香萬斛堆積惱他鼻觀巡索還無
最堪憶萼綠堂前一笑封老榦苔青莓碧春湍
也應念我要歸未得

踈影

佳人步玉待月來弄影天掛參宿冷透屏幃清
入肌膚風敲又聽簷竹前村不管深雪閉猶自
繞枝南枝北筭平生此段幽奇占壓百花曾獨
閑想羅浮舊恨有人正醉裏姝翠蛾綠夢斷
鳬驚幾許淒涼却是千林梅屋雞聲野渡溪橋

滑又角引成樓悲曲怎得知清足亭邊自在杖

藜巾幅

梅聖俞詩云十分清意足
余別墅有梅亭扁曰清足

暗香

再和

雪來比色對淡然一笑休喧笙笛莫怪廣平鐵
石心腸爲伊折偏是三花兩葉消萬古才人騷
筆尚記得醉卧東園天幕地爲席回首往事
寂正雨暗霧昏萬種愁積錦江路悄媒聘音沉
兩空憶終是茅簷竹戶難指望凌煙全碧憔悴
了羞管裏怨誰始得

疎影

寒梢砌玉把膽瓶頓了相伴孤宿寂寞幽牕篩
影橫斜宜松更自宜竹殘更蝶夢知何處只在
昭亭山北問平生雪壓霜欺得似老枝擎獨
何事燕脂點染認桃與辨杏枝葉青綠莫是冰
姿改換紅粧要近金門朱屋繁華艷麗如飛電
但宛轉斷歌零曲且不如藏白收香旋學世間
邊幅

香

儀真去城三數里東園梅花之盛
甲天下嘉定庚辰辛巳之交余
攜及歌酒其下今荒矣園乃歐公
記君謫書古今稱三絕猶憶其詞

云高臺巨桶水光日景動搖而下
上其寬闊深靚可以谷遠響而生
清風此前日之類垣斷壑而荒墟
也嘉時令節州人士女嘯歌而管
絃此前日之晦冥風雨澌然
鳥獸之嗥音也令人慨然

淡然絕色記故園月下吹殘龍笛悵望楚雲日
日歸心大刀折猶怕冰條冷藥輕點汚丹青凡
筆可怪底屈子離騷蘭蕙獨前席深院宇更
寂正月斷古邦暮靄凝積何郎舊夢四十餘年
尚能憶須索梅兄一笑但矯首層霄空碧春在
手人在遠倩誰寄得

末段懷故人

踈影

唾瓊笑玉向畫堂可肯風露邊宿耐凍禁寒便
瘦宜枯前身莫是孤竹從來不上春工譜夢不
到沉香亭北筭只消淡影疎香伴箇幽棲人獨
莫待癡蜂騃蝶倩青女捺住多少紅綠落馬
寒蘆翠鳥冰枝近傍三間茅屋

想這般夷曠襟懷眇視乾

貞坤幅

暗香

用韻賦雪

九垓共色想洛濱劍客吹呼長笛掣多老松別
樹平欺爛柯折應是千官鶴舞騰賀表誰家椽

言餘
筆賜宴也。內勸宣來直箇是瑤席。休怪巷陌
寂有一種可人掃了還積悲飢閉戶僵卧來安
我偏憶凝望天童列嶂誰大膽偷藏遙碧待問
信清友看怕難認得

疎影

千門委玉是箇人富貴才隔今宿冒棟摧簷都
未商量呼童且伴庭竹千蹊萬逕行蹤滅杳不
認溪南溪北問白鷗此際誰來短艇釣漁翁獨
偏愛山茶雪裏放紅艷數朶衣素裳綠獸炭
金爐羔酒金鍾正好笙歌華屋敲冰煮茗風流

觀念不到有人回曲但老農歡笑相呼麥被喜
添全幅

水龍吟 戊午元夕

十洲三島蓬壺是花錦一團裝就輕車細輦綺
羅香裏夜光如晝朱戶笙簫畫樓簾幙有人回
首想金蓮燦爛星毬縹緲那風景年時舊

應念白頭太守怎紅旗六街穿透鋪排玳席追
陪珠履且醺春酌楚舞秦謳半慵鶯舌疊翻鶯
袖把千門喜色萬家和氣祝

君王壽

永遇樂

己未元夕

和氣薰來這般光景管無風雨畫棟朱夢錦坊
繡巷娘子將嫫母星球毬高掛燈樓趙出良夜正
消增五遨頭事牙旗鐵馬且還那時鄞府
甘泉見說捷書頻奏漸次不煩鼙鼓雙鳳雲間
六鼇海上祝讚齊手舞三呼聲裏

君王萬壽歲歲傳柑笑語便都把昇平舊曲腔
兒旋補

同前

再和

天上人間這般光景管無風雨繡戶珠簾錦坊

花巷戲隊將嫖母月扇團圓星毬粲爛路遍市
三街五升平事牙旗鐵馬且還舊家藩府

三陸見說凱歌頻奏漸次不煩鼙鼓雙鳳雲間
六鼇塵外想見都人歡舞火城春近金蓮地匝
消夜果邊曾語

元宵宰執
賜消夜果

如今但梅花紙帳睡

魔欠補

同前

祝告天公放燈時節且收今雨萬戶千門六街
三市綻水晶雲母香車寶馬珠簾翠幙不怕禁
更敲五霓裳曲驚回好夢誤游紫宮朱府

沉思舊日京華風景逗時猶聽戲鼓分鏡圓時
斷釵合處倩笑歌與舞如今閒院蜂殘蛾褪消
夜果邊自語勸人殺去聲梅花紙帳權將睡補

隔浦蓮

和葉編修
士則韻

蘭橈環城數疊霧雨侵簾箔翠竹交加蒼樹幽
鳥聲聲如苔葦岸游綠鴨暮山合天際濃雲罨
水周匝提携一醉濁賢清聖歡洽瀛洲美景
盡道東南都壓今日愁顏回笑頰飛雋且將萱
草歸插

同前

會老香堂
和美成

時鶯知未

同前

戊午二月二十
四日會碧池

樓觀崢嶸渾疑是天風吹墜金屋窈窕幾時曾貯
麝桃凡李鏡斷釵分人去後畫欄文砌蒼苔綴
想當年日日醉芳叢候鯖美春水漲鱗鱗細
春草暗茸茸膩筭留連光景古猶今爾椿菌鳩
鵬休較計倚空一笑東風裏喜知時好雨夜來
稠秧青未

同前

碧池月夜
四用韻

一笑相携且休管兔升烏墜那更是可人賓客

未饒崔李金叵羅中醺醺瑩玉玲瓏畔歌珠綴
望湖光一片浸韶光真雙美雲絮縈能纖細
雲綵聚能粘膩料出山歸岫等閑間爾碧汀風
流人去後石牕景物春深裏算却鄆客夢幾驚
殘炊猶未

同前

二園花卉僅有海棠未謝五用韻

問海棠花誰留戀未教飄墜真箇好一般標格
娉梅奴李怯冷擬將蘇幕護怕驚莫把金鈴綴
望銅梁玉壘正春深花空美非粉飾肌膚細
非塗澤臙脂膩恐人間天上少其倫爾西子顰

收初雨後太真浴罷微暄裏又明朝楊柳插清
明鵲歸未

同前

景田計院行有日約同官數公酌
酒于西園取呂居仁滿江紅詞對
一川平野數間茅屋九字分韻以
錢行色蓋反驛也余得對字就賦

把手西園有山色波光相對金馬客明朝飛棹
水肥帆駛問我年華旬並七異鄉時景春巴二
最堪憐遊子送行人垂楊外聊小小旌旗隊
聊且且笙歌載正冥濛煙雨許多情態南北枝
頭猶點綴東西玉畔休辭避待萼鱸歸思動西

風相携未

同前

蒼雲堂後有桂樹爲冬青遮蔽低垂將墮矣戊午八月呼梓人爲伐之賦而去

斫却凡柯放巖桂出此頭地從此去引風披露
暢條昌葉待得清香千萬斛且饒老子爲知己
迹今宵新月駕空來浮觴裏劉安笑淹留耳
吳猛約何時是想故山深處翠垂金綴須信人
生歸去好它鄉未必江山美問釵頭十二意如
何非吾事

同前

喜晴賦

屯結海雲陣奮擊藉雷公忽然天宇軒豁杲日
正當空照出榴花丹艷映出梔花玉色生意與
人同閉縱一翻手造化不言功想平疇禾穗
穠黍芄芄老農拍手相問相勞去聲笑聲中辦取
黃雞白酒餞了山歌村舞等得慶年豐此際尊
鱸客倚檝待西風

二郎神

己未自壽

者希近也是六十五翁生日恰就得端陽艾人
當戶朱筆書符大吉卦氣周來重新起怕白髮

蒼顏難必隨見定信緣餐飢眠困喜無啾唧
盈溢書生做到能高官秩况碌碌兒曹望郎名
郡叨冒差除不一積世主恩滿家天祿婚
嫁近來將畢還自祝願早懸車里社始為收拾

同前 再和

近時厭雨喜午日放開天日不用辟兵符從今
去也管定千祥萬吉已報甘泉新捷到况更是
豐年堪必任景物換來蛙鳴蟬噪耳邊嘖唧
陽溢儘熱願乞兵厨閑秩看恰好園池隨宜亭
榭人道瀛洲壓一旦恁浮沉柰何衰悴惟怕牧

之名畢安得去占却三神絕頂瑞芝同拾

傳言玉女

己未元夕

衆樂亭前都是鬱葱佳氣越姬吳媛繁珠鈿翠
珥紅銷粉褪幾許麝桃凡李連珠寶炬兩行綈
騎自笑衰翁又行春錦繡里禁春宮醞記當
年宣賜休嫌駝逗且向畫堂頻醉從今開慶萬
歡千喜

滿江紅

戊午二月十七日四明憲賦

芳景無多又還是亂紅飛墜空悵望昭亭深處
家山桃李柳眼花心都脫換蜂鬚蝶翅難沾綴

謾相携一笑競良辰春醪美金獸爇香風細
金鳳拍歌雲膩儘秦簫燕管但逢場爾只恐思
鄉情味惡怎禁寒食清明裏問此翁不止四宜
休翁歸未

同前 再和

聊把芳樽殷勤勸斜陽休墜吾老矣難從仙客
採丹丘李且趁風光一百五園林尚有殘紅綴
更忉忉百舌對般春聲能美鸞釵絆游絲細
鴛袖惹香塵膩想吳姬越女踏青纔爾爭似江
南樗櫟社俚歌聲拂行雲裏又枝頭梅子正酸

扇荷偷換羽葆院宇人聲竊獨步亭臯下闌干
並棲幽鳥新雨抽嫩草簷花開一片萍鋪沼燕
雛小書空底事那堪手版持倒令來古往幾
見北邙人曉鄉號亡何但日到休覺陶然身世
塵表

水調歌頭

出郊翫水

小隊旌旗出畫鷁倚篙行青秧白水無際中有
一犁耕聽得田翁相語今歲時年恰好眨眼是
秋成老守何能解持此報皇明望家山千
里外楚雲平良田二頃非村非郭枕柴局況有

簷林香透更有楊堤陰合
魂夢每宵征巴得西風起
吾亦問前程

同前

小憇素氏
園用前韻

老圃無關鎖放客意中行
頗欣天地開闊煙釣與雲耕
荷長亭亭翠蓋竹長森森翠
葆景致開裝成幾樹榴花發
映水色偏明綺樓空金屋
靜恨難平鼓笙簫笛誰憐
冷落暗塵扃回首百年人事
轉眼幾番今古日邁月俱征
且盡一杯酒退步是前程

同前

夜來月佳甚呈景回自照
二兄戊午八月十八日

過了中秋後今夜月方佳看來前夜圓滿才自
開此些掃盡烏雲黑霧放出青霄碧落恰似我
情懷把酒自斟酌脫畧到形骸問渠儂分玉
鏡斷金釵少年心事不知容易鬢邊華千古天
同此月千古人同此興不是旋安排安得高飛
去長以月爲家

同前

戊午九日偕同官
延慶閣過碧社

重九先

去聲

三日領客上危樓滿城風雨都住天

亦相邀頭右手持杯滿泛左手持螯大嚼萸菊
互相酬徙倚闌干角一笑與雲浮望平疇千

萬頃稻梁收江澄海晏無事贏得小遲留但恨
流光抹電假使年華七十只有六番秋戲馬臺
休問破帽已颼颼

同前

再用前韻

天宇正高爽更躡最高樓長風為我驅駕極目
海山頭不用牛山孟浩不用齊山杜牧人景自
堪酬舉酒酌空闊汗與漫為游 撚黃花憐白
首恨難收頽齡使汝能制何待更封留眼底朱
夢盡棟往往人非物是蟋蟀自鳴秋萬里一搔
首無處着蕭颼

同前

戊午秋半偕胡景回劉
自昭二兄卜欵待月

試問平生幾番見中秋明月今老矣一年緊似
一年時節底事層陰生障礙不教玉界冰壺徹
莫姮娥嫌此白頭翁心腸別風動處浮雲揭
雲綻處清光洩倩何人掃蕩大家澄澈且掉悲
歡離合事相逢只怕尊中竭放兒曹今夜上青
霄探蟾穴

同前

戊午八月二十七日
進思堂賞第二木柄

丹桂重開向此際十分香足最好處雲爲幕護
雨爲膏沐樹杪層層如寶蓋枝頭點點猶金粟

筭人間天上更無花風流獨玉壇畔仙娥簇
玉梁上仙翁掬歎吾今老矣兩難追逐休把淹
留成感慨時聞賞翫時聞福怕今宵芳景便凋
零高燒燭

同前

戊午九月七日
碧社和制幾韻

歲歲重陽何曾是兩般時景人自有悲歡離合
晦明朝暝日月湖邊來往艇樓臺水底參差影
又何妨時暫狎滄波輕鷗並閑頓放朱門靜
新結裏朱簾整儘百年人事移場換境欲插黃
花身已老強傾綠醕心先醒羨遊魚有釣不能

收鉤空餅

同前

鄭園看海

安晚堂前梅開盡都無留萼依舊是鐵心老子
故情堪託長恐壽陽脂粉汗肯教摩詰丹青摸
縱沉香爲榭綵爲園難安着高節聳清名邀
繁李俗麤桃惡但山樊輩行可來參錯六出不
妨添羽翼百花豈願當頭角儘暗香疎影了平
生何其樂

同前

再用韻
懷安晚

猶記長安共攀折瓊林仙夢人已去年年梅放

怨懷誰託和靖吟菟應未醒補之畫手何能摸
更堪憐老子此時來愁難着雲晝晚煙宵邈
春欲近風偏惡早闌干片片飄零相錯邂逅聊
拚花底醉遲留莫管城頭角且起居魏衛國夫
人聞安樂

同前

戊午十二月八日賦後園早梅

問訊江梅漸推出紅苞綠萼堪愛處平生懷抱
歲寒爲託瘦骨皴皮猶老硬孤標獨韻難描摸
怕東君壓住等春來鞭先着止渴事風煙邈
和羹事風波惡想翠禽啁哳笑它都錯爭似花

開顏醉玉月天更引霜天角便一年強作十年
人山中樂

同前

上已後
日即事

寒食清明歎人在天涯海角饒錦繡十洲裝就
只成離索歲去已空鶯燕侶年來儘負鷗鳬約
想南溪溪水一篙深孤舟泊天向晚東風惡
春向晚花容薄又酴醾架底綠陰成幄舴艋也
聞鉦鼓開鞦韆半當笙歌樂問山公倒載接籬
無都休却

同前

已未四月九
日會四明廳

飮闌殘花也隨分紅紅白白綠底事春纔好處
又成輕別芳草萋迷歸路遠子規更叫黃昏月
倚闌干觸處是濃愁憑誰說我不厭樽罍挈
君莫放笙歌徹自河南丞相有茲賓客一笑何
曾千古換半醺便覺乾坤窄怕轉頭天際望歸
舟江山隔

同前

已未賈李制參
直翁仰壽之詞

午枕神遊曉雞唱城闌偷度俄頃裏筍輿伊軋
征夫前路路入江南天地闊黃雲翠浪千千畝
有皤翁三五喜相迎鄰田父旋策杖尋幽圃

旋挈榼陳高俎疑此身歸去朱陵丹府布穀數
聲驚夢斷紗窓小陣梅黃雨把人間萬事一般
看投芳醕

同前

擬卜三椽問何處水迴山曲朝暮景清風當戶
白雲藏屋更得四時瓶貯酒未輸一品腰圍玉
待千章手種木成陰周遮綠且休殢陶令菊
也休羨子猷竹筭百年一夢誰榮誰辱喚客烹
茶閑話了呼童取枕閑眠足但晨薌一炷謝天
公時豐熟

詩餘上

同前

和劉右司
有俾壽之詞

回首家園竹多屋水還多竹那更是千峯凝翠
一溪凝綠多謝故人相問訊奚奴步步收珠玉
嘆暮林飛鳥也知還尋歸宿徧歷了岳與牧
事過了官與祿算平生萬事儘無不足爭柰乞
身猶未可只緣欠種清閑福想瞿硎仙子亦相
思山之奧

念奴嬌

詠白蓮用
寶月韻

一般妙質笑樂天誇詫小蠻樊素萬柄參差羅
翠扇金隊西方靚女不假施朱也非塗碧所樂

聲惟幽浦神仙姑射筭來合共游處一任冶
妓穠姬採蓮歌裏盡是相思苦花氣荷馨清入
骨長傍銀河東注月澹風輕霧晞煙細忽灑霏
微雨此時心事美人澤畔停竚

同前

再和

爲嫌塗抹向萬紅叢裏澹然凝素非粉非酥能
樣別只是凌波仙女隋沼濃粧漢池冶態爭似
滄浪浦淨鷗鷺鷺有時飛到佳處夢繞太華
峯顛與天一笑不覺躋攀苦十丈藕船游汗漫
何惜浮生孤注午鼓驚回依然塵世撲簌踈牕

雨起來寂寞倚欄一餉愁竚

同前 三和

白蘋影裏向何人可話平生心素月鬼冰鬼凝
結就猶薄湘妃洛女吳沼芙蓉陳陂菡萏散入
玄珠浦採花蜂帶霧深都忘去聲歸處堪笑並
帶霞冠雙頭醅臉只爲多情苦空遣隔江遊冶
子撩亂心飛目注同出泥涂獨標玉質不是曼
陀雨風清露冷有人長自遲竚

同前 四和

天然竊質想當年此種來從大素一點紅塵都

不染羅列蟾宮玉女色壓蒼林香欺蘭畹肯向
聞筆浦靈龜千歲有時游漾其處應念社結
廬山翻嗤靖節底事攢眉苦紐葉爲盤花當盞
有酒何妨頻注太液波邊昆明池上豈必沾金
雨從教同輩爲它皦皦疑竚

大素國名
出荷花

同前

戲和仲殊已未
四月二十七日

午飈褪暑向綠陰深處引杯孤酌啼鳥一聲庭
院悄日影偷移朱箔杏落金丸荷抽碧角景物
挨排却虛簷長嘯世緣茵簟簟籜休問雪藕
絲蒲珮蘭鈿艾舊夢都高閣惟有流鶯當此際

舌弄笙簧如約短棹雙溪么鋤三徑歸計猶難
託料應猿鶴近來多怨離索

八聲甘州

寶葉編修
俾壽之詞

向鄞江面孰是薰風吹燕麥鳥兒葵賴 君王洪
福河清海晏物阜人熙想見塞帷使者隨處採
聲詩 羨高禽矰弋離去聲貼天飛飛到蒼雲深
處便歛收毛羽望暮林歸可以人不若剡地掛
征衣且招呼麴生爲友對槐陰時唱兩三卮今
宵好如鉤佳月放出光輝

感皇恩

和廣德
知軍韻

老去最難禁流光如水甲子從頭試指年年生
日怕被傍人拈起若攀兒額頰齡猶未 方丈
瀛洲藍溪碧沚轉眼鱸尊便秋意

君王定許整頓江頭行李角巾歸去也休里第

謁金門

枕上聞
鶻賦

紗幮曉杜宇數聲聲悄真箇不如歸去好天涯
人已老 歌枕欲眠還覺猶有青燈殘照謾道
惜花春起早家山千里杳

同前

和趙參謀

停畫鷁天外水澄煙碧莫看遨頭人似織今年

都老色 最苦今朝離夕未卜今年歸日生怕
晚風銷酒力愁城難借一

同前

和劉制幾

山客野新把朝衙書寫應想江南檣櫓下踏歌
雞黍社 休問坤牛乾馬大率人生且且聊喚
玉人斟玉尊莫辭沉醉也

同前

和自昭木香

風韻徹滿架平平鋪雪賈女何郎盟共結睡濃
香更冽 春去情懷怎說却喜不聞啼鵲月夜
時來閒蹀躞故園三載別

四明續志卷第十一

四明續志卷第士

詩餘下

金陵 吳 潛 毅父

浣溪沙

己未元夕



慶賞元宵只願晴天公每事秤能平管教簷簷
便收聲 三市海巡那惜夜九街社火亦爭名
權將歌酒作工程

同前

和謙山

春岸春風荻已芽推排春事到蘆花只應推上
鬢邊華 投老未歸真左計久陰得霽且舒懷
紅紅白白有殘葩

同前

再用韻

海棠已綻牡丹芽，猶有東君向上花。
不須惆悵怨春華，裝綴園林新景物。
推敲風月舊情懷，也饒浪蘂與浮葩。

同前

三用韻

正好江鄉筍蕨芽，他鄉却看檐頭花。
只將蝶夢付南華，萬事紛紛都入幻。
一杯邂逅且忘懷，年年秋卉與春葩。

同前

四用韻

雨過池塘水長芽，放開晴日正宜花。
十洲三島

撰繁華 水畔麗人唐客恨山陰佳客晉人懷
可憐雲蕊與風葩

同前

己未三月二十
五日賞茶蘼

最好茶蘼白間黃消它蜂蝶採花忙春殘紅粉
厭梳粧 畢卓正思身夜甕劉章底用令秋霜
今宵幃枕十分香

同前

無賦

官額新塗一半黃
舊微空自效顰忙澹然風韻
道家粧 可惜今宵無皓月尚憐向曉有繁霜
何妨手撚一枝香

海棠春

己未清明對
海棠有賦

海棠亭午露踈雨便一餉胭脂盡吐老去惜花
心相對花無語 羽書萬里飛來處報掃蕩孤
嗔兔舞濯錦古江頭飛景還如許

同前

再用韻

嫩晴還更宜輕雨
家好處欲開未吐一點鴟梅
心千古憑誰語
臉霞暈錦嬌人處肯浪逐紅
圍翠舞銀燭莫高燒春夢無多許

同前

三用韻

蒼龍天矯停今雨
正不待雲吞霧吐絕笑大夫

松今古閑言語 清光冷艷侵人處
漏月影婆娑自舞擬作歲寒人
此願天應許

卜人曉角

和葉檢閱
仁叔韻

倚花傍月花底歌聲徹最好月
篩花影花月浸香奇絕
雙溪秋月潔桂棹何時發
客裏明朝送客多少事且休說

同前

此花此月一段風流徹更好
參橫斗轉更漏斷人聲絕
有誰秋共潔離菊相將發
留取歲寒心事待此際向君說

詩餘下

同前

和劉架閣
自昭韻

杯中吸月桂樹飛瓊屑
莫道胡床老子怕風露
向淒冽
回首雲蛾折
老大成癡絕
且醉今宵
光景莫容易
向人說

同前

爲花問月誰把金魂屑
猶有殘英賸
藥秋向老
香逾冽
且莫都攀折
有箇人愁絕
縱使姮娥
念舊星星鬢
如何說

同前

和趙教授韻

新詞唱徹字字珠璣屑
更有張顛草聖向上是

成雙絕 金粟如蜚雪掃地爲芳席且領諸公
一笑怕明夜無此月

同前

小山幽徹徧地堆香屑只恐入夢夢到處
蕙孤絕 八公頭已雪淮南分半席莫道淹留
何事且長嘯對佳月

同前

戊午十二月望安
晚園賦梅上銀燭

梅花一簇花上千枝燭照出靚粧姿態看不定
詠不足 便欲和花宿却被官身局借問江南
歸未今夜夢難拘束

請餘下

同前

己未五月九日老香堂
送監簿姪歸和自招韻

夜涼佳月掃盡輕衫熱便欲乘風歸去冰玉界
瓊林闕 不須持寸鐵孤吟風措別且唱東坡
水調清露下滿襟雪

同前

再和

舉杯吸月一洗煩襟熱想見摩訶池上星斗轉
挂銀闕 金吾傳漏鐵此時滋味別堦砌寒蛩
聲細携手處人如雪

蝶戀花

和處靜木香

澹白輕黃純雅素一段風流歌枕踈窻戶夜半

香魂飛欲去伴它月裏霓裳舞
消得留春春
且住不比楊花輕作沾泥絮
況是環陰成惺處
不愁更被紅粧妬

朝中措

和劉自昭韻

春空一鳥落雲千只遣客心酸
芍藥牡丹時候
午牕輕暖輕寒
流光冉冉清樽易倒清鏡難
看謾道華堂深院誰憐鳳隻鷁單

同前

再用韻

可人想見倚庭干
嚼句有甘酸
休問沈腰潘鬢
何妨島瘦郊寒
時光轉眼兔葵燕麥又是看

看誰念衰翁衰處春衫晚際尤單

同前

三用韻

楊花撩亂與雲干春事可悲酸況是雨荒院落
江南但有春寒 鷺殘燕嬾蜂慵蝶褪謾等閑
看不是無情描貌奚奴且放安單

同前

四用韻

夜來夢繞宛溪干啼鴂夢中酸過了宅鄉寒食
白鷗剗地盟寒 雲溪雨榼月臺風榼借與人
看得似野僧無繫孤藤杖底挑單

同前

五用韻戲呈

蘭皋徹夜樹旄千戰渴望梅酸想有歌姬半臂
更深自可鑒寒敲門寄曲驚回蝶夢疾箏
燈看壇下已收降將火牛不用田單

同前

老香堂和
劉自昭韻

寒翁老大脚猶輕行到淨涼亭近日方憂多雨
連朝且喜長晴謾尋歡笑翠濤杯滿金縷歌
清況有蘭朋竹友柳詞賀句爭鳴

虞美人

和劉制幾舟
中送監簿韻

東風催客呼前渡宿鳥投林暮欲歸人送得歸
人萬疊青山羅剎是愁城誰家臺榭當年築

芳草垂楊綠雲深霧暗不須悲只緣盈虛消息
少人知

秋霽

己未六月九日雨後賦

堦砌吟蛩正竹外蕭蕭雨驟風駛涼浸桃笙暑
銷葵扇借伊一些秋意枕邊茉莉漏塵奩貯香
能膩也不用玉骨冰肌人伴佳眠爾誰信此
境漸入華胥曠然不知莊蝶誰是笑邯鄲羈魂
客夢貪它榮貴暫時裏飛鼠撲燈還自墜展轉
驚寤纔聽平聲禁鼓三敲夜聲寥闌又般滋味

同前

再和

此也。

27

深碎蕊殘萼都收歸簾枕誰道柅轡敢就月
邊偏愛惜冰玉肌膚應對姮娥共搔首疑怪得
中原訛道天花胡塵後可堪懷舊日海國浮沉
醉花堂喜近日烽煙漸消亭候

同前

三用韻

冠兒偏簇那時人銷瘦玉笋瓊卮勸君酒是清
涼境界露濕煙凝香更重非是沉檀合就四
總花滿砌爭似家山棖蟹將肥重回首花亦爲
君憐草木禽魚相思處莫如鄉舊更西風溪尊
與江鱸想別墅稚漁費它頃候

小重山

己未六月十四日老
香堂前月臺觀月

碧霄如水月如鉦
今宵知爲我特分明
冰壺玉界兩三星
清露下漸覺濕衣輕
高樹點流螢
秋聲還又動客心
驚吾家水月寄昭亭
歸去也
天豈太無情

醉桃源

東風攔檻兩三亭
遊人步晚晴
蜂回蝶轉得能輕
忽然春意生
花未老酒須傾
勸君休獨醒
古來我輩重鍾情
舉頭百舌聲

青玉案

己未三月六日
四明總會客

流芳只怕春無幾，拚夜飲更纔二。不用追它歡
樂事，綺牕朱戶，燕帷鶯館，多少人雙睇。踏歌
夢想江南市，管春盡扁舟放行李。寒食休傾遊
子淚，歸去來兮，不如歸去，鐵定知今是。

點絳脣

己未三月末
澹木香亭賦

岸艤扁舟，江南有箇人歸老。簇新亭沼，分付還
它了。凝眸晴空一抹，天邊鳥嗟，潦倒去多來
少。莫問鍾昏曉。

清平樂

和劉制機

輕輕卻暑，只是些兒雨。喜看新抽麻與苧，家

煙水墅 晚山放出青青是誰斂弄陰晴老子
何時去也祇應露濕金莖

漁家傲

和劉制幾

每日困慵當午晝出來便解雙眉斂一帶朦朧
煙雨岫山翁瘦林泉縱好它園囿一見此君
如話舊玉版老師呼喚候萬立琅玕爭勸酒躊
躇久清風收拾歸懷袖

同前

再用前韻

徧閱芳園閑半晝殘花尚有榴裙斂倦鳥投林
雲返岫人影瘦可憐身世爲它囿燕子飛來

還憶舊回頭又是梅黃候且盡一杯昌歎酒凝
睇又晚風細雨霑衫袖

柳梢青

戊午十二月十五日
安晚園和劉自昭

綠野平泉古來人事空裏飛花月榭風亭荷漪
蘚石說鄭公家老梅傍水茶牙人那聲去得光
陰似它萬種思量百年倒斷付與殘霞

同前

己未元夕

好把元宵良辰美景暮暮朝朝萬酸華燈一輪
明月燕管秦簫何人怕墜鮫綃有玉鳳金鸞
繡字雕目下歡娛眼前煩惱只在今宵

賀聖朝

己未三月六日

捷書夜半甘泉去報天驕膏斧摩空銅壘開流
瞿灩掃清雲霧樓蘭飛檄焉耆授首謾誇稱
前古須知開慶太平千載方從今數

浪淘沙

戊午中秋
和劉自昭

望月眼穿東雲幕千里有時推出賴它風恰似
玉環猶未竇得恁玲瓏誰在華山峯一半天
中君逾五十我成翁未必明年如此夜笑口難
逢

賀新涼

韻月

汲水驅炎熱晚些兒披衣露坐待它涼月俄頃
銀盤從海際推上璇霄璧闕盡散作滿懷冰雪
萬里河漢收捲去掩長庚弧矢光都滅一大音
片琉璃揭玉斂搗藥何時歇幾千年陰晴隱
現團圓虧缺月缺還圓人但老重換朱顏無訣
想舊日嫦娥心別且吸瓊漿斟北斗儘今來古
往俱休說香茉莉正清絕

同前

月綻浮雲裏未須更長風掃蕩碧空如水誰在
冰壺玉界上眇視征蠻戰蟻便弃擲塵寰脫屣

絺葛清泠襟袖冷露華濃暗襲人肌理和酷暑
爭此氣 譙樓漏轉三更二夜沉沉經星緯宿
猶換垣移市萬籟漸生秋意思時節那堪屈指
柰投老未訓歸計矯首高天天不應忽林梢睡
鵲驚飛起同一夢我與爾

鵲橋仙

己未七夕

銀河半隱玉蟾高掛已覺炎光向後穿針樓上
未眠人應自把荷花按揉 雙星縹緲霎時聚
散肯向鵲橋回首元來一歲一番期却睡得天
長地久

同前

馨香餅餌新鮮瓜果乞巧千門萬戶到頭人事
控搏難與拙底無多來去癡兒妄想夜看銀
漢要待雲車飛度誰知牛女已尊年又那得歡
娛意緒

秋夜雨

和韻劉制機立
秋夜觀月喜雨

不嫌天上雲遮月雨來正是雙絕雷公驅電母
盡收捲十分袞熱三更又報初秋了少待它
西風淒冽靈悟話頭莫說且唱飲劉郎一闋

靈悟

四明日者自
號衆惟其術

同前

客有造秋夜雨古詞因用其韻而不知角之爲閭也併付一笑

雲頭電掣如金索須更天盡幃幙一涼恩到骨
正驟雨盆傾欄角 桃笙今夜難禁也賴醉鄉
情分非薄清夢何處託又只是故園籬落

同前

再和

單于繫頸須長索捷書新上油幙盡沉邊柝也
更底問悲笳哀角 衰翁七十迎頭了先聲自
來聲利都薄歸計猶未託又一葉西風吹落

同前

己未八月二日
新桃源和韻

吳羽里第還巾角不妨天地席幙家僮歸報道

快釀酒休教醕薄 相逢聚散應搔首且趁時
一咲爲樂人世大都濩落更莫問是非今昨

同前

西風半入孤城角人生歸燕巢幙倦翁衰甚也
又不是官卑祿薄 收繩捲索今番穩儘一丘
一壑足樂還是遠空雁落報宛句溪光猶昨

同前

晚來小雨鳴欄角又還烟障雲幙四明牕透盪
漸夜永練衫輕薄 候蟲但要吟教苦不管人
老欠歡樂閑看燭花燼落浮世事轉頭成昨

生查子

己未八月二日
四明和韻

坐臨芳沼邊荷氣侵衣濕唧唧暗蛩鳴點點流螢入
人生歧路中底用楊朱泣一咲倚欄干
頽玉當風立

同前

夜來雲氣浮帶得香烟濕萬籟本無情一一秋
聲入
須臾離合間應笑兒曹泣新雨漲鄞江
明日桅檣立

西河

和舊韻

都會地東南盛府堪記蓬萊縹渺十洲中雉城

擁起凭高一盼大江橫遙連滄海無際壁衝
衆山翠倚赤龍白鷄爭繫風帆指顧便青齊勢
雄萬壘越樓吳沼古難憑興亡都付流水畫
堂綺屋錦綉市是洛陽耆舊州里富貴榮華當
世問昔年賀老踈狂何事輕寄平生煙波裏

桂枝香

三年海國又荏苒素秋天淨如沐淒砌寒蛩暗
語杵聲相續梧桐一葉西風裏對斜陽好箇圖
簇老香堂畔蒼然古檣無限心曲嘆石室某
方半局便時換人非光是能變千古鴟夷尚恐

欠些歸宿倚空奩把輪雲事付坤牛乾馬征逐
且巴重九昭亭句溪杖藜巾幅

南鄉子

和韻已未八月十日郊行

野思浩難收坐看漁舟度遠洲蘆葦已彫荷已
敗風颺桂子飄香八月頭歸計這回躊躇及
家山一半秋雖則家山元是客浮休有底歡娛
有底愁

同前

野景有誰收只在蒼鷗白鷺洲風樹飄搖雲樹
暗衣颺目斷青天天際頭壯志世難酬丹桂

紅蕖又晚秋多少心情多少事都休載取江湖

一片愁

行香子

開慶己未八月十夜同官小飲逸老堂李直翁制參出示東坡題釣臺行香子走筆和韻

世事塵輕寵辱何驚不須更問君平一帆客棹
幾曲漁汀正年華晚露華澹月華明 休論煙
閣莫說雲屏筭惟堪瓜種東陵駒陰短景蝸角
浮名但歲難留身難健鬢難青

秋夜雨

依韻賦

腰棚傀儡曾懸索麈尾憑一層幙施呈精妙處

解幻出蛟龍頭角 誰知鮑老從旁笑更郭郎
握手消薄歧路難準托田稻熟只宜村落

糖炙令 答和梅府教

鷗鷺水中洲夕陽天際流倚西風底處危樓若
使中秋無好月虛過了一年秋 舉眼望雲頭
蟾光一線否想嬌娥自古多愁安得仙師呼鶴
駕將我去廣寒遊

南鄉子 答和惠計院

黃耳訊初收爲說鷗汀與鷺洲爭問主人歸近
遠颼颼定是登高九月頭 有酒且相醺莫管

西風滿鬢秋。今日是。今明日古。休休轉首。鄞江
揔別愁。

訴衷情

和韻

今宵分破鵲論秋。孤客興何悠。要向雲中邀月
真箇是。獸頭。風陣緊。電光流。雨聲颼。嫦娥應
道未卜。明年是。樂還愁。

水調歌頭

己未中秋無月

今歲月。和桂不肯作。中秋一年。惟此佳節。底
事白教休。我已侵尋。七袞。況復輪囷。萬感合恨。
更分愁。先自無聊。賴雨意得能稠。天柱峰知

何處老難遊癡雲如妬不知弦管可吹不安得
風姨掃蕩推出團圓月姊便遣桂香浮世事十
常九不使展眉頭

水調歌頭

和晦翁韻
未中秋中辭書于老香堂

已是三堪樂更是百無憂山朋溪友呼酒互勸
復爭酬釣水肥鮮鱖鰕採對甘鮮梨栗穠穉一
齊收樹底飛輕蓋溪上放輕舟笑鴟夷名已
謝利還謀蝸蠅此小頭角何事被渠釣春際驚
翻蝶舞舞秋際猿啼鶴唳物我共悠悠倚棹明當
發歸夢落三洲

同前

老子百般足無事可閑憂幾年思返林壑今日
願方酬潦倒戲衫舞袖即講門槌拍板端的這
回收日月兩浮穀身世一虛舟想鷓鴣與鴻
鵠不相謀驚鱗萬里深逝誰肯更吞釣醉則北
窻高卧醒則南園行樂莫莫更悠悠雲在山中
谷月在水中洲

同前

若說故園景何止可消憂買隣誰欲來住須把
萬金酬屋外泓澄是水水外陰森是竹風月盡

堯收柳徑荷漪畔燈火繫漁舟 且東臯田二
頃稻梁謀竹籬茅舍牕戶不用玉爲鈎新擘黃
雞肉嫩新斫紫螯膏美一醉自悠悠已得春來
到蘆筍長沙洲

同前

且盡一杯酒莫問百年憂胸中多少磊砢老去
已難酬見說旄頭星落半夜天驕墮玉壘陣
雲收世運回如此穩泛輞川舟 鷗鷺侶猿鶴
伴爲吾謀主人歸也正是重九月如鉤便把三
程爲兩更趲兩程爲一尚恐是悠悠傍有漁翁

道肯負白蘋洲

水調歌頭

處處羊腸路歸路是安便從頭點檢身世今日
豈非天未論分封邦國未論分符鄉國晚節且
圓全但覺

君恩重老淚忽潸然謝東山裴綠野李平泉
從今許我攀附諸老與齊肩更得十年安樂便
了百年光景不是謾歸田謹勿傷離別聊共醉
觥船

浣溪沙

和桃源韻

詩餘下

半餉西風暖換涼巖花月魄襯雲裳一杯旋擘
翠橙香舊醞不妨排日醉新菊尚可去時嘗
無何鄉裏是吾鄉

謁金門

老香堂和韻

秋已老又是敗荷衰草客子安排歸棹了回頭
煙樹渺檀板休教歌杳金獸且教香繞一醉
秋堂秋夜悄從它霜漏曉

同前

和韻賦茶

湯怕老緩煮龍芽鳳草七盞徐徐撐腹了盧家
詩興渺君豈荆溪路杳我已涇川夢繞酒與

茶酣入語悄莫教雞聒曉

同前

休怨老更替北邙荒草勘破人生都已了江湖
歸興渺盤谷深深杳杳曲水彎彎繞繞啼鳥
空山山更悄鍾昏鍾又曉

水調歌

開慶己未秋社維
舟逸老堂口占

倚施秋江許明日片帆輕從頭點檢身世百事
已圓成及第曾攀龍首仕宦曾居鵷閣衣錦更
光榮若又不知止天道恐虧盈借稱呼遮俗
眼便歸耕但餘心願朝暮香火告神明一願

君王萬壽次願于戈永息三願歲豐登四願老
安樂疾病免相縈

同前 奉別 諸全官

便作陽關別煙雨暗孤汀浮屠三宿桑下猶自
不忘情何況情鍾我輩聚散匆匆草草眞箇是
雲萍上下四方客後會渺難憑 願諸公皆袞
袞喜通津老夫從此歸隱耕釣了餘生若見江
南蒼鷺更遇江東黃耳莫惜寄音聲強閣兒女
淚有酒且頻傾

賀新涼

和惠松閣惜別

晚打西江渡便擡頭嚴城鼓角亂煙深處無限
珠璣雙手拈頻覺奚囊慕富強載月空舟既去
勸子不須憂百草四周維自着靈龜柱亘今古
只如許才直北還鄉多相上猿呼鹿嘯

驚翔鷗舞盡

只怕顏容非故願

從此耕雲釣雨無

但書來時了

相思句千